
ԱՂՎԱՆԻՑ (ԳԱՆՁԱՍԱՐԻ) ԿԱԹՈՂԻԿՈՍՆԵՐԻ
ԳԱՎԱԶԱՆԱԳԻՐՔԸ

Մաշտոցի անվան Մատենադարանի թիվ 2561 ձեռագիրը Մովսես Կաղանկատվացու «Պատմութիւն Աղուանից աշխարհի» երկի՝ 1664 թ. կատարված մի ընդօրինակություն է, որի 262ա-263ա էջերում հետագայում ավելացվել է Աղվանից (Գանձասարի) կաթողիկոսների Գավազանագիրքը:

Այս ձեռագիրը, նախքան Մատենադարանի սեփականությունը դառնալը, պատկանել է հայտնի հնագետ ու բանահավաք Խաչիկ ծայրագույն վարդապետ Դադյանին¹: Նա էլ առաջին անգամ 1895 թ. «Արարատ» ամսագրում ներկայացրել է սույն ձեռագիրը՝ հրապարակելով նաև մատյանի ընդարձակ հիշատակարանը²: Մատենադարանի Կաթողիկոսական դիվանում պահվում է նաև այդ հիշատակարանի և Աղվանից կաթողիկոսների անվանացանկի՝ Խ. վրդ. Դադյանի ձեռքով 1889 թ. փետրվարի 25-ին Շահբուլաղում կատարված ընդօրինակությունը³:

Գավազանագիրքը սկսվում է Աղվանից պատմագրքի «Անուանք հայրապետացն Աղուանից, ամք և գործք նոցին» գլխի ավարտված տեղից⁴, այսինքն՝ Տեր Մովսեսին հաջորդած քառասունչորսերորդ կաթողիկոս Մարկոսից (գահակալել է 993-ից), և հասցվում մինչև XVIII դ. կեսերը: Անվանացանկը կազմողը մինչև XII դ. գահակալած կաթողիկոսների անունները թվարկելիս օգտվել է Մխիթար Գոշի «Կաթողիկոսք եւ դէպք Աղուանից աշխարհին ի մէջ ԺԲ դարու» երկից⁵:

Դատելով Ներսես կաթողիկոսին վերաբերող տողում առկա «և այժմ **ՌՃՁԵ**» հստակ նշումից՝ անվանացանկը կազմվել է 1736 թ.: Ցանկում նրան հաջորդող Իսրայել Ջրաբերդցուն առնչվող տեղեկությունն ավելացվել է 1763 թ., այլ ձեռագրով՝ նախքան Գանձասարի կաթողիկոսական աթոռին տիրանալու համար մղված եռամյա աթոռակալական պայքարում վերջինիս պարտությունը Հովհաննես Հասան-Չալալյանից (1763–1786):

Աղվանից կաթողիկոսական աթոռին Հովհաննես Հասան-Չալալյանին հաջորդել են հակաթոռ Միմեոն Ջրաբերդցին (1794–1810) և Հովհաննես կաթողիկոսի եղբայր Սարգիս Հասան-Չալալյանը (1794–1798 և 1812–1815 թթ.): 1815 թ. Ամենայն հայոց կաթողիկոսության միջնորդությամբ և ցարական կառավարության հրա-

¹ Յ. Թ. օ փ ճ է ա ն. Յուցակ ձեռագրաց Խ. վրդ. Դադեանի, հ. Ա, Վաղարշապատ, 1898, էջ 100-101:

² «Արարատ», 1895, թիւ Ժ, էջ 378-380:

³ Մաշտոցի անվան Մատենադարան, Կաթողիկոսական դիվան, թղթ. 240, վավ. 132: Այդ պատճենը, որոշ կրճատումներով, հրապարակել է Լ. Մկրտումյանը (հմմտ. Լ. Մ կ յ ո ն լ մ յ ա ն. Աղվանից (Գանձասարի) կաթողիկոսությունը XVII-XIX դդ., Երևան, 2006, էջ 217-219):

⁴ Մ ո վ ս է ս Կ ա դ ա ն կ ա տ ո լ ա ց ի. Պատմութիւն Աղուանից աշխարհի, Երևան, 1983, էջ 347:

⁵ Մ խ ի թ ա ր Գ ո շ. Կաթողիկոսք եւ դէպք Աղուանից աշխարհին ի մէջ ԺԲ դարու.– Ղ. Ա լ ի շ ա ն. Հայապատում, Վենետիկ, 1901, էջ 384-391:

մանով Գանձասարի կաթողիկոսությունը վերացվել է, և նրա փոխարեն հաստատվել է մետրոպոլիտություն: Գանձասարի վերջին՝ Սարգիս կաթողիկոսը 1815-ից մինչև իր մահը՝ 1828 թ. դեկտեմբերի 19-ը, եղել է մետրոպոլիտ: Սարգիս Հասան-Ջալալյանի մահով փակվեց Գանձասարի կաթողիկոսության պատմության վերջին էջը:

Նշենք, որ, չնայած սեղմ բովանդակությանը, սույն Գավազանագիրքը կարևոր սկզբնաղբյուր է Արցախի, և, մասնավորապես, Գանձասարի կաթողիկոսության պատմության ուսումնասիրման համար:

ԱՐՏԱԿ ՄԱՂԱԼՅԱՆ

ԳԱԻԱԶԱՆԱԳԻՐՔ ԿԱԹՈՂԻԿՈՍՍՑ ԱՂՈՒԱՆԻՑ

(262ա) *Տէր Մարկոս այրն Աստուծոյ. ԽԴ (44)*

Տէր Յովսէփ ՆՀ (1021)¹. ԽԵ (45)

Տէր Մարկոս. ԽԶ (46)

Տէր Ստեփաննոս. ԽԷ (47)

Տէր Յօհաննէս. ԽԸ (48)

Տէր Ստեփաննոս - ամ մի և կէս. ԽԹ (49)

Տէր Գագիկս² Գրիգորիս անուանեցին. Ծ (50)

Տէր Բէժկէն, որ եթող զկարգն և մտաւ աշխարհ. ԾԱ (51)

Տէր Ներսէս. ԾԲ (52)

Տէր Ստեփաննոս - ամս Խ (40). ԾԳ (53)

Տէր Ներսէս - ամս Զ (6). ՈՁԴ (1235). ԾԴ (54)

Տէր Ստեփաննոս. ԶԺԱ (1262). ԾԵ (55)

Այս միջոցս Բ կաթողիկոս է եղեալ՝ Սուքիաս և Պետրոս, չկարացաք իմանալ զկարգն զկնի միմեանց. ԾԶ (56)

Տէր Ստեփաննոս վախճանի ՉՀԲ (1323). ԾԷ (57)

Տէր Կարապետ ՊԾԵ (1406). ԾԸ (58), մինչև ՊՀԳ (1424) գտաք զթիւն:

Տէր Մաթէոս ՊԶԵ (1436). ԾԹ (59)

Տէր Աթանաս - ամ մի. Կ (60)

Տէր Յովհաննէս՝ որդի Ճալալին. ՊՂ (1441)³. ԿԱ (61)

¹ Լ. Մկրտումյանի հրատարակման մեջ սխալմամբ տպված է ՆԸ (959 թ.), մինչդեռ 958-965 թթ. Աղվանից կաթողիկոս է եղել Դավիթը (հմմտ. Լ. Մ կ ր տ ո լ մ յ ա ն. նշվ. աշխ., էջ 218):

² Լ. Մկրտումյանի հրատարակման մեջ սխալմամբ տպված է Դաւիթ (հմմտ. նույն տեղում):

³ Մատենադարանում պահվում է Կարա-Գոյունլու Սուլթան Ջհանշահի կնոջ՝ Բեգում-խաթունի 1462 թ. օգոստոսի 6-ի հրովարտակը՝ տրված Գանձասարի Հովհաննէս կաթողիկոսին, որով հաստատում է նրա կաթողիկոսական իրավունքները (տե՛ս Մատենադարանի պարսկերեն վավերագրերը, հրովարտակներ, պր. 1, կազմեց Հ. Փափազյանը, Երևան, 1956, էջ 45-47, ռուսերեն պատճենը տե՛ս Մատենադարան, Կաթողիկոսական դիվան, թղթ. 241, վավ. 197):

Հովհաննէս կաթողիկոսը վախճանվել է 1470 թ., ինչպես վկայում է Մեծիրանից Ս. Հակոբս վանքում գտնվող նրա տապանաքարի արձանագրությունը. «Այս է հանգիստ Տէր Ովհանէս կաթողիկոսին Աղվանից. թվ. ԶԺԹ. (1470)» (Դիվան հայ վիմագրության, պր. V, Արցախ, կազմեց Ս. Բարխուդարյան, Երևան, 1982, էջ 17):

- Տեր Մաթեոս. ՋԳ (1454).* ԿԲ (62)
Տեր Առստակէս. ՋԻԲ (1473). ԿԳ (63)
Տեր Ներսէս հաստատեցաւ յԱթոռն իւր ՋԻԷ (1478). ԿԴ (64)
 (262բ) *Տեր Շմաւոն ՋԼ (1481)⁴.* ԿԵ (65)
Տեր Թումայ Սոկոթրուեցի ՋԼ (1481). ԿԶ (66)
Տեր Առաքել ՋԼ մինչև ՋԽԵ (1481-1496). գտաք զթիւ սորա Սոգոթրուի հին եկեղեցւոյն. ԿԷ (67)
Տեր Արստակէս ՋԿԵ (1516). ԿԸ (68)
Տեր Սարգիս՝ ՌԳ (1554) թվին վախճանի Խաչինու ղշլաղեցի. ՋՁԸ (1539). ԿԹ (69)
Տեր Գրիգորիս ուրացոյն. ՌԵ (1556). Հ (70)⁵
Տեր Դաւիթ Արջաձորեցի. նոյն ամին խեղդեն կախեալ ժամատանէն Գանձասարու չար անիծեալք Խաչին. ՀԱ (71)
Տեր Փիլիպպոս Տումեցի. ՌԺԲ (1563). ՀԲ (72)
Տեր Յովհաննէս ՌԻԵ (1576), ՌԼԵ (1586) վախճանի. ՀԳ (73)
Տեր Շմաւոն ՌԼ ՌԿ (1581-1611) թուին Քոյատակեցի. ՀԴ (74)⁶
Տեր Արիստակէս ՌԼԷ (1588) Քոյատակեցի. ՀԵ (75)
Տեր Սէլքիսէր Արաշեցի. ՌԽԲ (1593). ՀԶ (76)
Տեր Սիմէոն Քոյատակեցի. ՌԽԵ (1596). ՀԷ (77)
Տեր Յովհաննէս⁷՝ Գանձոյ եկեղեցւոյ շինողն⁸. ՌՁԲ (1633). ՀԸ (78)
Տեր Գրիգոր. ՌՁԳ⁹, վախճանի ՌՃԲ (1634-1653). ՀԹ (79)
Տեր Պետրոս Խանձկեցի. (263ա) ՌՃԲ, վախճանի ՌՃԻԴ (1653-1675)¹⁰. Զ (80)

⁴ Մատենադարանում պահվում է Ալ-Գոյունլու Յաղուբ փառիշտի 1487 թ. ապրիլի 24-ի հրովարտակը՝ տրված Գանձասարի Շմավոն կաթողիկոսին, որով հաստատում է նրա կաթողիկոսական իրավունքները (տե՛ս Մատենադարանի պարսկերեն հրովարտակները, պր. I, էջ 50-52, ուսերեն պատճենը տե՛ս Մատենադարան, Գաթողիկոսական դիվան, թղթ. 241, վավ. 198):

⁵ Լ. Մկրտումյանի հրապարակման մեջ այս կարևոր հատվածը զարմանալիորեն դուրս է ընկել, թեև նրա օգտագործած պատճենում ևս սույն տեղեկությունը առկա է (տե՛ս Մատենադարան, Գաթողիկոսական դիվան, թղթ. 240, վավ. 132, հմմտ. Լ. Մ կ ր տ ու մ յ ա ն. նշվ. աշխ., էջ 219): Այդ բացթողման հետևանքով նրա մոտ խախտվել է կաթողիկոսների հետագա ամբողջ համարակալումը:

⁶ Լ. Մկրտումյանի հրապարակման մեջ Տեր Շմավոնին առնչվող տեղեկությունը ևս դուրս է ընկել, ինչի հետևանքով նրա համարակալման տարբերությունը արդեն հասնում է երկուսի (հմմտ. Լ. Մ կ ր տ ու մ յ ա ն. նշվ. աշխ., էջ 219):

⁷ Պահպանվել է Սեֆյան Շահ Աբբաս I-ի 1606 թ. հրովարտակը՝ Գանձասարի Հովհաննես կաթողիկոսի կաթողիկոսական իրավունքների հաստատման մասին (տե՛ս Մատենադարանի պարսկերեն վավերագրերը. հրովարտակներ, պր. II, կազմեց Հ. Փափագյանը, Երևան, 1959, էջ 84-85):

⁸ Այս տեղեկությունը հաստատվում է Գանձակի Ս. Հովհաննես-Մկրտիչ եկեղեցու հարավային պատին փորագրված սույն արձանագրությամբ. «Ի ժամանակն Ովանէս կաթողիկոսի, թվին ՌՁԲ. (1633) ամի շինեցաւ սուրբ Ովանէս եկեղեցին» (տե՛ս Դիվան հայ վիմագրության, V, էջ 227):

⁹ Պահպանվել է Շահ Սեֆիի 1634 թ. հրովարտակը՝ Գանձասարի կաթողիկոսությունը Հովհաննես կաթողիկոսի մահից հետո Գրիգոր կաթողիկոսին հանձնելու մասին (տե՛ս Մատենադարանի պարսկերեն հրովարտակները, պր. II, էջ 110):

¹⁰ Տե՛ս Լ. Մ կ ր տ ու մ յ ա ն. Գանձասարի կաթողիկոսությունը Պետրոս Խանձկեցի կաթողիկոսի օրոք. – «Լրաբեր հասարակական գիտությունների», 2000, -1, էջ 88-97:

Տէր Մէլքիսէթ ևս կա Արաշեցի¹¹. սուր անարգել բնակեալ մերձ Գանձասարու, յետն ու յառաջն չիմացանք. ՁԱ (81)

Տէր Միմեօն շնորհալիր Ջարաբերթու¹² Մեծ Կունեցոյ. ՁԲ (82)

Տէր Երեմիայ Ճալեցի. ՌՃԻԵ (1676) հակառակեալ, անձամբ առեալ կաթողիկոսութիւնն. ի միասին վարեն չարչարանօք¹³, որ խորին աղջատեալ ուն Եղիայ անուն եպիսկոպոս անուան կաթողիկոս, և նա ձեռնադրէ Տէր Երեմիայն. անուանեն կաթողիկոս. ՁԳ (83)

Տէր Եսայի Քոյատակեցի¹⁴. մերձ Գանձասարու. ՁԴ (84)

Տէր Ներսէս մեղապարտ, յետին թշուառացեալ¹⁵. ՌՃՄԵ (1706) և այժմ ՌՃՁԵ (1736). ՁԵ (85)

Տէր Իսրայէլ Մեծ Կունեից, որ այժմ վարէ գժողովուրդս ՌՄԺԲ (1763)¹⁶. [ՁԶ] (86)

¹¹ Թվում է՝ նույն Մելքիսէթ Արաշեցու անունը ցանկում կրկնվում է:

¹² Միմեօն Խոտորաշենցու կաթողիկոսանալու հանգամանքների մասին ուշագրավ տեղեկություններ է պարունակում Մատենադարանում 8965 թվահամարի տակ պահվող Ավետարանի գրիչ Գրիգոր քահանայի հիշատակարանը. «Շնորհին Տեառն Ամենակալի և նորին օգնականութեամբն աւարտեցաւ եռահրաշ և հոգիազարդ Աւետարանս՝ թուին ՌՃԻԴ. (1675) ամին, յուլիսի ամսոյ ԺԸ (18) աւուրն. ի երկիրս Գանձակայ, ի գեօղս Քարահատ՝ ընդ հովանեաւ Սուրբ Աստուածածնիս: Եւ ի թագաւորութեանն պարսից Շահ Սուլէյմանին, ի հայրապետութեան Տանս Աղուանից Տեառն Միմեօնի ամենիմաստ և սրբանուեր Հայրապետի Սրբոյ Աթոռոյն Գանձասարա՝ աշակերտ տեառն Պետրոսի սրբազան կաթողիկոսի նոյն յԱթոռոյն, որ ի սոյն ամի փոխեցաւ առ Քրիստոս և հաստատուն կտակօք սահմանեաց, որ յետ իւրոյ մահուն զՄիմեօն րաբունապետն լինիցի կաթողիկոս, որ և օգնականութեամբ Սուրբ Հոգւոյն և կամակցութեամբ ամենայն մեծամեծաց Տանս Աղուանից, նաև հրամանաւ թագաւորին պարսից և մեծի Հայրապետին Տեառն Յակոբայ պատրիարզին Սրբոյ Էջմիածնի, որ և ի սոյն ժամանակի նա ևս էր ի դուռն թագաւորին» (էջ 361բ-362ա):

¹³ Այդ դեպքերի մասին տե՛ս Լ. Մ կ ր տ ու մ յ ա ն. Միմեօն և Երեմիա կաթողիկոսների «հակաթոռոյան» խնդիրը 17-րդ դ. վերջին քառորդին. – «Էջմիածին», 2000, թիվ Գ, էջ 75-83:

Երեմիա Հասան-Ջալալյանը վախճանվել է 1700 թ., ինչպես վկայում է նրա տապանագիրքը. «Այս է տապան Երեմիա կաթողիկոսին Աղուանից. յազգէն Ջալալ Դօլին. ՌՃՄԺ. (1700) թուին» (տե՛ս Դիվան հայ վիմագրոյան, V, էջ 65):

¹⁴ Խոսքը հայ ազգային-ազատագրական շարժման նշանավոր գործիչ և պատմագիր Եսայի Հասան-Ջալալյանի մասին է, որի կաթողիկոսական իրավունքները հաստատվել են Իրանի շահ Սուլթան Հուսեյնի 1701 թ. հրովարտակով (տե՛ս Մատենադարանի պարսկերեն վավերագրերը. հրովարտակներ, պր. III, կազմեց Ք. Կոստիկյանը, Երևան, 2005, էջ 149-152):

¹⁵ Ներսես Ջրաբերդցու կաթողիկոս դառնալու հանգամանքների մասին տե՛ս Մ ի մ ե ո ն և Ե ր ն ա ն ց ի. Ջալալ, Երևան, 2003, էջ 115-120: Ներսես կաթողիկոսը վախճանվել է 1763 թ. (տե՛ս Դիվան հայ վիմագրոյան, V, էջ 227):

¹⁶ Տէր Իսրայէլին վերաբերող տեղեկությունը ավելացված է հետագայում՝ այլ ձեռագրով: